



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Methodus Clara Et Facilis Vacandi Orationi mentali Atque  
Exercendi se cum fructu in præsentia Dei**

**Coloniæ Agrippinæ, 1687**

Regulæ in aspirationum exercitio servandæ

[urn:nbn:de:hbz:466:1-46004](#)

gitationibus in Deum semper defigendis , atque ab ipso in omnibus petendo consilio , ne in quamquam rem leviter præcipitem se agat.

Tandem Seraphicus Doctor S. Bonaventura author est , cum Deus sit ignis consumens , tantum frigoris decedere , tantumque animæ accidere spiritualis calor , quantum Deo per amorem propinquior fit : Scintillantibus affectionibus , insatiabilibus desideriis , unitivis aspirationibus .

## CAPUT XXIX.

*Methodus in orationis aspirativæ exercitio servanda.*

**P**rimò assignabimus regulas generales in ipso observandas , deinde annotabimus aliqua puncta , in quibus quis posset deficere , ut caveantur .

*Regule in aspirationum exercitio servanda.*

**P**rima est ; ut primo manè sollicitè seligimus exercitium aspirationum , cui die illo cogitemus insistere . Hoc est , ut nos muniamus aliquot cogitationibus sanctis atque ad aliquos bonos determinemus affectus , ut ubi de Deo nobis in mentem venerit , statim in promptu habeamus , quod ei dieamus ; uti nobis commendat Isaías , ubi ait : *Qui remisceris Domini , ne taceatis , & ne detis silentium eis.*

Seligere  
aliquem  
conceprum  
& affectu.

T 2

Sunt

Sunt qui, non sine magno emolumento, hunc delectum faciunt post horas matutinas, selectasque cogitationes memoriae imprimunt, priusquam ad somnum redeant, ut manè ubi primum experrecti fuerint, statim illæ in mente veniant; sicut is apud quem depositus est thesaurus, sive cui pretiosi alicujus monili demandata custodia est, semper ei proximus adjacet, moxque ubi ex vigilaverit extentâ manu, num forte sit furto sublatum explorat.

Hoc in delectu necesse non est argumenta multiplicare, quia una cogitatio sive conceptus sufficientem suppeditare materiam potest aspirationibus integrâ septimanâ, immo mense fovendis. Utilissimum tamen erit, ut Novitii delectum hunc instituant materiæ meditationum suarum conformem, duos, tresve conceptus accipiendo ex iis, quibus fuerint amplius permoti in suis ultimis orationibus, nisi malint particulariter inhærere argumento illi, de quo die illo sunt meditaturi.

*Animum  
habere  
liberum.*

Altera regula est, ut non obstante praedicto delectu, maneamus tamen in magna animi libertate ad obediendum afflatibus atque impulsu Dei nostri, si ille nos velit ad ei super alia quapiam re loquendum excitare. Tamen si enim singulis commendari soleat, ut ordinariè non producant aspirationes nisi statui suo conformes, Incipientes videlicet compunctionis, Proficientes desiderii in Deum, ac Perfecti amoris ferventissimi atque unitivi; nemo tamen recusare debet actus suo statu producere sublimiores, si advertit interius ad hoc à Deo se invitari. At quantamcumque quis interius

per-

persentiscat comotionem, nunquam familiarem se Deo exhibere debet, nisi intra limites profunda humilitatis, maximæque reverentiae: contrarium vero sepius illusio est, atque in amorem degenerat sensualem, qua de re experientias habemus funestissimas.

*Tertia regula* servit modo producendi actum aspirationis, qui talis esse debet: Ubi quis Dei reminiscitur, subito animum colligere, quantumque potest, momento illo tranquillum habere debet; mox conari bonam aliquam cogitationem, priusque ad Deum affectionem concipere, ac tandem cor mentemque in Deum magnâ cum attentione atque affectione desigere. Hoc totum in Proiectioribus uno temporis momento fieri potest, at Incipientes spatio temporis, quo dici posset salutatio Angelica, illi poterunt immorari, ut habitum melius acquirant. Quod si sis in privato, ore proferre poteris, quod mente conceperis, quia hac ratione majorem non raro nobis conciliamus attentionem; at si fueris in aliorum societate, sufficiet corde loqui absq; ullo exteriore gestu aut signo, verbi gratia, levando oculos ad cœlū &c.

Modus  
producendi  
di aspira-  
tionem.

PC  
tione

*Quarta.* Ut nunquam exuamus desiderium atque intentionem continuandi hoc sanctum exercitium, quæcumq; nobis occurrant negotia, & quantamcumq; animi experiamur instabilitatem, quin potius connitamus unam attentionis nostræ partem Deo nunquam non reservare. Ad quod nullâ opus est violentia, sed solum ut cordis nostri tranquillitatem ac recollectionem meliore, quo possumus, modo conservemus, quo ita ad loquendum Deo semper

Nunquam  
hoc exer-  
citium ne-  
gligere.

T 3 & ubi-

& ubique comparati simus. Atque ubi ab hac attentione distractos uos advertimus, plus æquo turbari aut tristari non debemus, sed simpliciter ad nos redire atque iterum cor nostrum offerre Deo. Quotiescumque porro distractio ista subrepserit, toties nos rursus debemus colligere. Ex frequenti enim nostri collectione tandem in illa persistere discemus, atque ubi semel in fundo cordis nostri gustarimus, quam suavis est Dominus, nihil nobis facilis, nihilque ingenio nostro erit conformius, quam ista collectio, atque ad nosmetiplos redditio. Anima enim nostra in eo non modicum persentiscet oblectamentum ac jugem allecationem, sicuti videmus piseem, qui est extra aquam, desiderare atque omnibus modis conuiti illam repetere. Cumque in illam reiectus fuerit vitam resumere viderit, quia suum repetit elementum.

Quantum ad qualitatem specificam istarum aspirationum attinet, ad nullam alligare nos debemus aut astringere, sed magis sequi instinctum Spiritus sancti, occasionibusque nactis nos accommodare. Quandoque erunt amoris, gaudii, desiderii, spei, sanctæ audaciæ erga bonum; quandoque odii, fugæ, doloris, tumoris, ac sanctæ indignationis adversus malum: aliquando elicentur per modum voti, seu desiderii, alias promissi, alias petitionis, alias admirationis, alias sui ipsius humilationis coram Deo; Denique virtus nulla est, cuius actus non possit aspirationibus præbere argumentum. En aliquot exempla ex libro Psalmorum præcipue extracta.

Actus